

25

JOANNIS MARIÆ
PANIGHETTI
IN GYMNASIO PATAVINO

PUB. JURIS CÆSAREI PROFESSORIS

Ad Tit. De V. O. 313.4

DISPUTATIO.



PATAVII, MDCCLVII.

EX TYPOGRAPHIA CONZATTI.
Superiorum Permissu.

[III]

J O A N N I E M O

EQ. AC D. MARCI PROG.

BARBONO MAUROCENO

EQ. AC D. MARCI PROG.

JOANNI MOCENICO

EQ. AC D. MARCI PROG.

TRIUMVIRIS REI LITTERARIÆ MODERATORIBUS ,
TOTIQUE EORUM ORDINI

JO: MARIA PANIGHETTI.



*Rit proculdubio, qui quærat, cur
hoc potissimum anno Disputatio-
nem hanc meam pro Solemni Studiorum In-
stauratione habitam Typis tradam. Ego ve-*

A 2

rò

rò nihil dissimulo, nec est cur dissimulem. Quadriennali scilicet expleto conductionis cursu, laborum, studiorumque meorum rationem, ut par est, aliquam, Vobis, SENATORES AMPLISSIMI, reddere constitui. Nimirum quod jure vestro a nobis exposcere potestis, ego volens lubensque affero. Ita rei alicujus familiaris, aut etiam publicæ bonus administrator, rationibus sponte redditis, non obscurum fidei suæ iis, qui præsent, argumentum præbet. At cur, inquiet aliquis, cum Cujacio tanti nominis Interprete certamen instituis? Facio scilicet quod illi, qui in Sole Planetarum lucidissimo maculas quærunt. Quemadmodum verò, detectis in Sole maculis, adhuc tamen luminis idem parens ac fons habetur; ita Cujacii sententia aliqua non satis omnibus probata, adhuc tamen clarissimum jurisprudentiæ lumen, ac summus Juris Interpres Cujacius e-

xi-

[V]

xistimatur . Et sane , hunc qui Cujacio honorem deneget , aut Cujacium numquam legit , aut quæ apud ipsum legit , non intellexit . Neque tamen hîc eruditissimo viro , Romanique Juris peritissimo laudes contexere volo , tum quod multo ante nos ab aliis plurimum commendatus , laudibus nostris non indiget , tum verò etiam quod Epistolæ modus servandus . Orandum mihi potius , precibusque impetrandum puto , ut conatum hunc , laboremque meum , præsidio vestro & auctoritate , SENATORES AMPLISSIMI , tueri velitis .

1. The first part of the paper is devoted to a discussion of the
2. various methods of determining the rate of reaction.
3. The second part is devoted to a discussion of the
4. various methods of determining the order of reaction.
5. The third part is devoted to a discussion of the
6. various methods of determining the activation energy.

DISPUTATIO.



Um primum hoc anno, ex quo huc ascendimus, quarto, de stipulationibus disputandum nobis esse intelleximus, uberrimum statim fontem nobis aperiri cognovimus, unde aliquid traheremus, quod vestris auribus non indignum prolusionis cujusdam loco esset. De stipulationibus enim tractatus tantam occupat sua amplitudine Juris partem, ut non sit difficile, ex innumeris, quæ ab Interpretibus excitantur in eam rem controversiis, unam aut alteram eligere, quæ non ob suam modo pulchritudinem & gravitatem, sed etiam utilitatem vobis probetur. Et sane ad veterum, ac recentiorum Interpretum de Verborum obligationibus disputationes & commentarios accedentes, in Vinnii locum statim incidimus, ubi magnopere miratur, cur Cujacio docere placuerit, promissorem in diem

diem, ante diem, invito creditore, solvere non posse. Quod quidem ita grave nobis visum est, ut hoc ipsum diligenti examini hodie subiiciendum esse statuerimus. Verba Vinnii ad §. 2. de V. O. placet recitare: *miror*, inquit, *Cujacium in re tam aperta dissensisse*. Ego tamen, qui Cujacio inter Juris Interpretes semper primas dederim, eundem aut absolvere, aut damnare prius non ausim, quam ejusdem rationibus in medio positis, diligenterque discussis, gravissimo judicio vestro aut absolvatur, aut damnetur.

Quod igitur Leges omnes, quod omnes fere Legum Interpretes affirmant, constanter Cujacius negat, promissorem in diem, invito creditore, ante diem solvere posse. Neque verò uno in loco, sed ubicumque debiti in diem mentio contingat, eandem sententiam repetit. Ubi verò id apertissime tradit, locus est tum in Comment. ad l. 15. ff. de ann. leg. Hæc enim ipsa ibi legimus ejusdem verba: *Denique invito creditore, ante diem solvi non potest*. Tum ~~in~~ etiam ad l. 38. ff. de V. O., ubi ita scribit: *ante diem igitur certam, vel incertam non solvitur nisi volenti*. Novam hanc

do-

doctrinam, planeque suam, quo Juris fundamento communiat, aperiemus, postquam, ut res ordine fiat, contrahendæ stipulationis modos investigaverimus, eisdemque accuratè explanaverimus. Ac ne cui fortè actum nos agere videamur, curabimus diligenter, ut, ubi liceat, trita cæteroquin ac pervulgata doctrina speciem aliquam novitatis induat.

Omnis igitur stipulatio, inquit Tribonianus in §. omnis inst. tit. de V. O., aut purè fit, aut sub conditione, aut in diem. De singulis modis singillatim disputemus, ut quæ ratio sit adimplendæ cujuslibet obligationis, clarissime pateat: Purè, ut Jurisperiti loquuntur, fit stipulatio, cum neque tacitè, neque expresse dies, aut conditio stipulationi inserta videatur. Tacitè enim aliquando dies inest stipulationi, cum scilicet, quod purè cæteroquin promissum est, per rerum naturam, nisi post aliquod temporis intervallum præstari non possit. Quoddammodo ex duplici causa contingere posse clarissimum est; nimirum aut ex re ipsa præstanda, aut ex loco, ubi res eadem præstanda est: Res, quæ præstanda sit, stipulationi purè tacitè

tè tempus adiicit, si, quemadmodum docent Interpretes, fructus nascituri in stipulationem venerint. Horum enim natura postulat, ut tempus expectetur, quo nati fuerint, ut peti jure possint, & solvi debeant. Quamquam exemplo hoc plus complexi esse videntur, quam cœpta doctrinæ ratio postularet. Qui enim fructus stipulatur, eam rem agit, ut purè quidem stipulari videatur, re tamen vera non solum in diem, ut dicebamus, sed etiam sub conditione stipuletur. Qui enim fructus stipulatur, spem stipulatur; spes autem, cum sit incerta, stipulationem facit, ut loquuntur, conditionalem, cujus illud præcipuum est, ut esse aliquando possit, aliquando non esse. Fructus enim, quorum spem stipulamur, cum ipsos stipulamur, & nasci possunt, & non nasci. Quare qui eosdem stipulatur, licet purè stipuletur, eo tamen modo tacitè stipulatur, quo stipulatio apertè sub conditione conciperetur ab eo, qui diceret; si nascentur. Ex quo patet, eum, qui fructus stipulatur, non in diem solum, sed etiam sub conditione tacitè stipulari; in diem quidem, quia fructuum nativitas expectanda est,

[XI]

est; sub conditione verò, quia incertum est, utrum sint nascituri. Unde illud a l. i. ff. de cond. & demonst. imperatum, solvendos esse fructus si nascentur; sin minus, non esse solvendos. Verùm non unum est puræ stipulationis conditionem tacitè recipientis exemplum. Plura enim eiusdem generis alia sunt, ac præcipue quidem Dotis stipulatio, quæ quamvis purè concepta, eam tamen tacitè conditionem habet, si Nuptiæ secutæ fuerint. l. stipulationem. ff. de jur. dot. Eodem in numero est pura stipulatio ejus, cujus dominus sit apud hostes. Quamdiu enim est apud hostes, tamdiu pendet stipulatio, quæ tacitam conditionem habet, si revertatur. Huc quoque referunt servi hæreditarii stipulationem; licet enim hæc purè a servo celebrata fuerit, eam tamen tacitè conditionem continet, si hæreditas adita fuerit.

Nihil dico de eo puræ stipulationis genere, quæ locum contineat, ubi res præstanda sit; ut si Patavii stipuler Romæ dari. Hæc enim illud tacitè temporis spatium continet, quo Patavio Romam iter commode confici possit. Cæterum illa veri nominis pura stipulatio erit, quæ neque

que tacite, neque expresse diem continent;
aut conditionem; pureque nomine idem
appellatur, quod iis omnibus careat, quæ
obligationem differre valeant. Eæ enim
puræ stipulationis est vis, ut, quod in ea
comprehensum est, & petendi statim fa-
cultatem, & solvendi pariat obligatio-
nem. Scio equidem, Auditores, captam
de pura ac simplici stipulatione doctrinam
tam multa complecti, ut vix ullus repe-
riri exitus possit; sed quæ de ea hæcenus
tradidimus, pro temporis, institutæque dis-
putationis ratione, satis hodie esse existi-
mamus. Conditionalis enim locus dandus
est, quæ de amplitudine & gravitate cum
superiore contendit. Stipulatio autem con-
ditionalis est, quæ in rei alicujus even-
tum, quem Pragmatici *Casum* vocant, ce-
lebratur. Tot exemplis id potest declara-
ri, quot ea sunt, quæ ut fiant, aut eve-
niant, magnopere cupimus. Hæc tamen
ab Jurisconsultis, eorumque interpreti-
bus afferri solent: si navis ex Asia ve-
nerit: si Titius Consul factus fuerit: si
Capitolium ascenderit. Hac loquendi ra-
tione fit apertum, quod sub conditio-
ne promissum est, nec deberi statim,
nec

nec peti posse; ea verò adimpleta, & obligationem nasci, & petendi facultatem oriri. Ex his facile intelligas, conditionis illud esse præcipuum, ut & obligationem differat, & jus petendi; nisi forte ea tacita obligatione promissorem statim tene-ri dicas, ut in promissione usque ad conditionis eventum permaneat, neque illud liberè distrahat, aut alienet, quod, impleta conditione, se soluturum promiserit. Hinc Juris Interpretes docent, improprio vocabulo eos uti, qui eas, quæ aut præ-sens, aut præteritum tempus respiciunt, conditiones appellant: puta, *si Mevius vi-vit; si Consul factus est*. In futuro enim eventu esse nequit, quod jam accidit; quodque jam accidit, neque obligationem differt, neque petendi facultatem; quod, ut dicebamus, veræ conditionis præcipuum est ac singulare. Etsi verò, his expensis, huic conditionum generi conditionum no-men Interpretes denegent, ego tamen con-ditiones hujusmodi a veris conditionibus non omnino differre comperio. Quemad-modum enim veri nominis conditiones, ita & conditiones hujusmodi, quas vocant improprias, incertum dubiumque stipula-to-

torem faciunt, & promissorem. Ut enim qui in futurum tempus conditionem conferunt, de eo, quod futurum est, ita qui in præsens, aut in præteritum, de eo, quod jam accidit, incerti sunt; atque ita quidem incerti, ut a fraude doloque liberum non dimitterem, si alteruter certo sciret, id, de quo se dubitare ostendit utrum contigerit, contigisse. Non est opus multis, ut id explicetur. Si enim certo scias, aut Mævium vivere, aut Consulem fuisse factum, quis te dolose agere non jure dixerit, si te daturum, aut facturum esse promittas, *si Mævius vivit, aut Consul factus fuit?* Nimis igitur fortasse temere conditionum genus hoc plerique Interpretum a conditionum numero expungunt. Licet enim earumdem vi, ex parte rei, ut loquuntur, quæ certa est, obligatio non differatur, differtur tamen ex mente eorum, qui contraxerunt; quos, ne cum dolo, proptereaue frustra contraxisse dicamus, in re ipsa certa incertos omnino fuisse dicendum erit.

Sed jam de ea conditionis specie, quæ stipulationi expressè adnectitur, pro ratione temporis hætenus dicta sufficiant; de illa

[xv]

illa nunc dicamus, quæ eidem stipulationi tacitè inest; deque ea præcipue, quæ transversos agit Interpretes, atque his verbis exprimitur: *dabis cum veneris*. Ego sane sententia illa, diem potius tacitè apponi dicerem stipulationi, quam conditionem; quemadmodum conditionem potius, quam diem stipulationi te tacitè adiciere existimarém, si diceres, *dabis si veneris*. Cum enim dicis, *si veneris*, voluntatem potius, quam tempus; cum dicis, *cum veneris*, tempus potius, quam voluntatem spectare videris. Quæcumque tamen de hoc tacitæ conditionis genere a subtilioribus afferantur, ego multo fortasse verius statuo, quam subtilius, conditionis genus hoc, quocumque modo concipiatur, nihil omnino ab ea, de qua jam diximus, tacita conditione differre, qua quis fructus nascituros pollicetur. Ut enim si nascentur, & cum nascentur, solummodo debebuntur; ita si hic venerit, & cum venerit, quæ pollicitus fuerit, solvere tenebitur. Sed multo plura in rem hanc afferri possent, nisi nos institutæ jam disputationis argumentum ad se vocaret, ad quam; ut planiorem nobis viam faceremus, non pauca hætenus de

de pura, & conditionali stipulatione in medium produximus.

Tertius igitur celebrandę stipulationis modus est, cum in diem stipulamur. Aptius rei hujus exemplum afferri non potest, quam quod in §. in diem. de V. O. Tribonianus his verbis adducit: *decem aureos primis Kal. Martiis dare spondes?* Diei hujus adjectio facit, ut non solum priusquam dies venerit, peti non possit, sed ne ea quidem ipsa die, in quam stipulatio facta est. *Totus enim is dies*, inquit eo loci idem Tribonianus, *arbitrio solventis tribui debet: neque enim certum est, eo die, in quem promissum est, datum non esse, priusquam is praterierit.* Ex his facile patet, diem adiectum ita debitori ad dilationem prodesse; ut ante illum diem cogi ad solvendum non possit. Quod quidem licet prima fronte clarum perspectumque videatur, attamen Interpretibus nostris ad graviter disputandum non levem causam sepissimę dedit. Si enim ex hac stipulatione, quę jure valet, illa duo proficiscuntur, quę ex valida stipulatione oriri solent, obligatio scilicet, & actio; illud primum queritur ab Interpretibus, num

[XVII]

num diei beneficio utrumque differatur ; an vero, licet, vi actionis nondum natæ, peti statim ab invito non possit, obligatio tamen jam nata dicenda sit, quæ ceteroquin causam actioni tribuit, atque uno eodemque veluti partu nascitur? Atque actionem quidem natam non esse aperte tradit Ulpianus in l. certi. ff. si cert. petat. his verbis: *ante diem agere, aut petere non poterō* ; quod clarius postea in Instit. Tribonianus expressit §. supradicto, his verbis : *quod in diem stipulamur, peti priusquam dies venerit, non potest*. Igitur stipulatio in diem actionem differt ; ac petitionem . Neque vero hîc quæstionem quæstioni superaddere placet , quærendo cum Pragmaticis, num revera dies stipulationi adiectus ad promissoris commodum ita pertineat , ut peti ab eo non possit , nisi totus dies elapsus fuerit ? Ab hoc enim disputationis genere plura me abstinere cogunt, tum quod hac de re aliàs commodius disputandum erit ; tum quod urget illud , cuius gratia præsens a nobis cœpta disputatio est.

Quod igitur superest , propiusque ad propositum argumentum accedit , illud

B

po-

potius quæramus , num, quemadmodum diei apppositi beneficio , petitio differtur , ita & obligatio , ut in conditionali stipulatione accidit, differatur, ita ut, quæ in diem promissa pecunia est , ejusdem non solum nulla petitio ante diem sit, sed neque ulla ejusdem solvendæ obligatio ? Ac si Ulpiani verba in supradicta l. certi , ut sonant, accipias , die appposito, effici intelligas , ut præsentī die , idest die stipulationis contractæ non debeatur ; si vero ut significant , ita deberi intelligas , ut tamquam statim debitum , statim peti possit . Plures verò alios Juris locos si consulas , etiam in diem promissum , statim debitum esse cognosces . Id docet Justinianus in dicto §. omnis, id l. centesimis. de V. O. id l. cedere . ff. de V. S. Sed quæ isthæc debendi ratio est , quodnam obligationis genus hoc , quæ nulla ad solvendum aut vi potest, aut necessitate compellere ? Quis enim ignorat , eum , qui verè debet , etiam invitum cogi posse ad solutionem ? Nimirum in diem debitum ita statim deberi dicemus , ut tamen statim peti non possit . Neque inanis hæc commentatio est ; id enim & stipulatori , & pro-

[XIX]

promissori utile est . Prodest stipulanti , cui , si , quod in diem debitum est , ante diem solvatur , indebiti conditione repeti non potest . Prodest promissori , cui , quia debitor est , etiam ante diem solvere licet , seque debito liberare ; quod sane certum non esset , nisi certum etiam esset , debitum jam natum esse .

Sed quemadmodum , quin volenti ante diem solvi possit , nemo unquam dubitavit ; ita non desuere , qui invito ante diem solvi non posse constantissimè atque apertissimè docuere . Quos tamen ego Jureconsultos ad ingenii potius ostentationem , quam ad veritatem id fecisse , dicere ausim , nisi Cujacium , virum cæteroquin præstantissimum , Jurisque universi peritissimum , eorum Ducem magna cum animi admiratione esse cognoscèrem . Sed quoniam magis quam Plato , ut est in Proverbio , amica veritas esse debet , quæ communem Jurisconsultorum sententiam tuentur , primùm producamus ; quæ Cujacium , ejusque asseclas defendunt , postmodum afferamus .

Illud verò primùm statuatur , diem stipulationi duplici modo adiici posse ; aut

simpliciter & absolutè ; aut eo addito , quo dies commodi creditoris appositus videatur . Hoc altero modo si dies apponatur , invito creditori ante diem solvi posse omnes negant Jurisconsultorum Scholæ ; at si primo modo adiectus dies fuerit , omnes omnium Jurisconsultorum voces affirmant . Cum enim , inquiunt , stipulationi dies simpliciter adicitur , quod utile , quod commodum , quod opportunum solventi fuerit , respicitur . Quæ ratio facit , ut , si velit , eidemque commodum videatur , ante diem etiam invito creditori debitor solvere possit . Et sane , si dies , ut mihi profit , adiectus est , quid mihi proderit , si quominus ante diem solvam a creditore prohibear ? Deinde si aliquo mihi jure uti liceat , cur , inquit Vinnius , etiam invito altero , eodem jure uti non possim ? Postremo aut lubenter concedant etiam invito creditori ante diem solvi posse , aut deleantur , totoque Jure expungantur plura Jurisconsultorum responsa , quibus hæc debitoris facultas innititur ac roboratur . Deleatur celeberrima illa Juris regula : unusquisque favori suo potest renunciare ; expungatur

Ul-

Ulpiani pronunciatum. in l. stipulatio ista. §. inter. ff. de V. O. quod certa die promissum est, vel statim dari posse: quod autem quis jure potest, ut dicebamus, quominus possit, prohiberi non debet. Quamquam vel ipse Jurisconsultus rationem reddit: totum enim, inquit, medium tempus ad solvendum liberum promissori relinquitur. Deleatur l. si ita stipulatus. 59. ff. de solut., ubi si tibi, aut Titio dare promiserim, alternativa hac, ut loquuntur, ita uti me posse traditur, ut, etiam te invito, Titio solvere possim. Deleantur denique, ac de medio prorsus tollantur l. cum tempus. de R. I., l. si Judex. de Minor., l. pen. C. de Pact., quarum omnium sententia id conficitur, ut nobis liceat impunè contemnere, quæ vel pacto, vel lege in gratiam nostram sunt constituta. Diem igitur stipulationi adjectum promissor impunè negligere poterit, ac stipulatori repugnanti, nolenti, ac prorsus invito solvere. Hæc postquam Adversarii, qui cæteroquin paucissimi sunt, audierint, mirabimur, inquit Donellus, si quid contra afferant, ut ab omnibus fermè receptam sententiam explodant. At-

tamen præter privatas rationes suas, nonnullarum etiam legum auctoritatem producant. Hæ igitur quanti sint, singillatim videamus.

Quo autem primo utuntur Juris præsidio, ex l. si soluturus. ff. de solut. mutantur. Alterum verò ex l. item. in princ. ff. de const. pecun. producant. Utrumque quid efficere, ac probare possit, diligenter perscrutemur.

Africani ergo sententiam hanc esse ajunt in l. si soluturus. ff. de solut., inopportuno tempore pecuniam offerre non licere. Quod sane, si in genere & absolute, ut loquuntur, intelligatur, nihil eo verius atque æquius afferre Jurisconsultus potuisse videtur; at si, quod ex hoc illi colligunt, & in rem suam trahunt, attentè expendatur, nihil potest esse magis ineptum, nihil a veritate magis alienum, scilicet in diem promissum, ante diem offerri non posse. Illud probent, tempus solutionis ante diem minus esse opportunum, nosque victi manus dabimus: quod enim ipsi importunum esse volunt, nos maximè opportunum existimamus. Quemadmodum enim importunum

num

num maximè debitori putamus tempus illud, quo pecuniam petiturus ad ipsum stipulator accedat, eundemque solvere reluctantem actionibus circumveniat; ita opportunus semper ad creditorem debitor venit, quocumque tandem tempore ad eum rem veniat soluturus. Sed quid tandem doceat Jurisconsultus in cit. l. si soluturus, videamus; nimirum eandem loci ac temporis rationem habet, inquiunt Adversarii. Ita enim loquitur: quid si non opportuno tempore aut loco obtulerim? & recte quidem, si generice eum loqui dicamus. Ut enim importuno loco offerre non potes, ita neque tempore importuno. Non eadem tamen, in specie nostra, sed omnino diversa utriusque importunitatis ratio est. Locus enim verè dicitur importunus, qui alius ab eo sit, qui solutioni dictus fuerit; non est verò importunum tempus, quod aliud ab eo sit, quod fuerit ad solvendum constitutum. Utriusque ea diversa ratio est, quia tempus promissoris gratia, non stipulatoris, ut in quæstione nostra supponitur, adiicitur; locus verò adiicitur gratia utriusque: quia nimirum loca singula pro re-

regionum varietate propter varia mercium pretia singularem habent utilitatem. Quare, ut creditor alio loco accipiat, cogi non potest; ut accipiat ante tempus, cogi poterit. Alius enim locus semper est ipsi importunus; tempus verò non est eidem importunum, nisi cum illud ejusdem commodo expresse adjectum erit. Hujusmodi tamen coactiones atque importunitates tanta cum suavitate coniunctas esse existimo, ut si me nummularii, argentarii, creditores omnes hac de re disputantem audirent, non cunctis modo suffragiis sententiam hanc confirmarent, sed, gratiis etiam redditis, sinu me propemodum suo complecterentur, urgerentque vehementer, ut ex publico loco hoc, quasi Præco debitoribus denunciarem, diu noctuque, quocumque loco, quocumque tempore solutionem sibi fore opportunam.

Jam verò munimen alterum, quod ex Ulpiani auctoritate in l. item. 18. ff. de const. pecun. petunt, evertere conemur. Placet legis sententiam paucis afferre, quam pluribus Interpretes exponentes, rem faciunt obscuriorem. Quidam se solutorum constituit certa die; is tamen ante
illum

[XXV]

illum diem creditori suo pecuniam offert; creditor eam accipere recusat; paratus tamen ad eam accipiendam die constituta, si eadem ipsi oblata fuerit. Quæritur num creditori liceat postmodum pecuniam petere, licet per eum steterit, quominus pecunia sibi solveretur? Ulpianus eum petere posse tradit. Igitur si creditori ante non accepisse non nocuit, non fuit liberum debitori ante diem tradere voluisse. Igitur invito creditori debitor ante diem solvere non poterit. Nimirum id evenit, respondet ad hanc legem *Glossator*, quia forte stipulatoris commodo tempus illud adiectum est. Sed hæc divinatio est, non responsio. Illud verum, posse creditorem etiam post diem constituti petere; si pecunia adhuc extet; at si non extet, non posse debitorem suam actione persequi, quod per eum non stetit, quominus die constituti etiam non expectato, pecuniam ei solveret. Illud enim, quod in Prætoris Edicto legitur, *per eum non stetisse*, ad actorem simul & ad reum referri debet, ut utile utrique sit; debitori quidem, ut, si post diem constitutam non habeat unde solvat, non teneatur; creditori verò,
ut

ut quoniam die constituti ad accipiendum paratus erat, etiam post eundem diem petere possit, si adhuc pecunia extiterit.

Hæc illarum legum interpretatio abundè probat, tempus stipulationibus adiectum, quia totum solventis commodo datum est, stipulatori nunquam dici debere importunum. Atque hætenus quidem lege, ratione deinde Adversarii decertant. Sed sua statim debilitate corrumpit illud unum, quod ex ultimæ voluntatis comparatione deducunt. Si enim, inquiunt, legatarii causa, dies testamento apponatur, ut res non solvatur, nisi cum legatarius aut ætatis, aut tutelæ lubricum evaserit, nullo modo liberatio contingit, si ante diem solutio fiat; cur in stipulatione contrarium jus statuamus? Nimirum quia testatoris voluntas implenda est, cui utile visum fuit, ut legatario ante diem non solveretur, quod Legatarius ante diem illum, quod sibi legatum est, ob ingenii mentisque imbecillitatem tueri satis ac defendere non possit. Quamquam, ne tacita quidem a testatore legati in diem ratione, legati ejusdem aut petitio, aut
fo-

[(XXVII)]

solutio utilis erit. Id enim totum testatoris prestat voluntas, quæ in judiciis extremis eam vim habet, ut ejusdem ratio, etiamsi tacite insit, apertissima tamen videri debeat. Sed inter diem stipulationi additum, atque additum legato quid intersit, accuratius videamus. Dies enim stipulationi appositus promissoris ita commodum spectat, ut liberum ei sit, quemadmodum dicebamus, perinde solvere ac si dies adiectus non esset; dies verò legato adiectus legatarii utilitatem ita respicit, ut, ne ante diem petat, legatario prohibitum sit, & hæredi, ne ante diem solvat, imperatum videatur. Utriusque igitur diei ratio cum diversa sit, diversum etiam de utroque jus statuendum erit, nempe ut in stipulatione quidem, si promissor velit, dies pro non appposito esse possit; in legato verò, etiamsi uterque, hæres nimirum & legatarius maxime velint, nunquam pro non scripto haberi possit.

Quoniam verò nihil fortasse gravius Adversarii habent, quo nostram, seu potius communem tum Jurisconsultorum, tum vero etiam eorumdem Interpretum sententiam

tiam oppugnent, actam jam a nobis causam, Auditores Optimi, existimate. Illud unum superest, ut, pensatis utrinque rationibus, Cuiacio ne ejusdemque affectis, an verò cæteris, ferme omnibus, qui de proposita controversia scripserunt, inhærendum sit, pro summa sapientia vestra judicetis.